

Enseñanza a haya su merecido atencion den discurso di Gobernador Refunjol



ORANJESTAD(AAN): un rol importante den e fase di restructuración economico di nos pais. E meta final di nos inversionnan financiero, fisico y humano den enseñansa, mester ta pa finalmente mehora e calidad di bida di nos ciudadanonan.

ORANJESTAD(AAN): Aña Parlamentario 2015-2016 a habri cu su tradicional ceremonianan y discurso di Gobernador di Aruba Fredi Refunjol, kende a repasa varios tema di importancia, entre nan enseñansa. “Enseñansa ta keda hunga

P’ese y ta sigui innova nos enseñansa, promove activamente ciencia y investigación, como tambe aumento di informatica y telecomunicación den nos klasnan. Retención di e alumno y e estudiante te na su graduación ta un meta riba su mes den e proceso di renovación di enseñansa. Mas y mas hoben cu un nivel di conocimiento amplio y profundo, ta nifica un empuje significativo pa cada un di nan y pa henter sociedad.”

Den palabranan bon scogi Gobernador a splica cu un economia basa riba conocimiento ta fundamental pa un prosperidad comparti y sostenibel. Mes importante ta e formación di un sociedad unda e miembronan ta convivi y comparti cu otro.

El a menciona cu Gobierno di Aruba lo sigui cu ehección di e manejo dirigi na revitalisa y fortifica bariónan d’òr di brinda e habitantenan e facilidadnan necesario.

E centronan multifuncional pa servicio publico den diferente distrito, lo duna un aporte importante den esaki. Mas actividad den bario lo contribui na e manejo integral pa hubentud. Refunjol a indica cu manejo di gobierno ta enfoca pa sigui duna training na esnan cu ta ehersce trabao boluntario y lo establece un red di boluntario specialisa.

“Lo ehecuta e siguiente fasenan di e proyecto ‘Nos Atardi’, cu lo brinda actividadnan y guia pa hobennan despues di school. Lo continua cu e trayecto di formación social y evalua e posibilidad di introduci un trayecto igual pa hende muhe. Como parti di e encargo di formación cu formado a ricibi, lo cuminsa cu preparación di e despacho di e ombudsman.”

“E di tres componente pa

por crea prosperidad comparti y sostenibel, ta creación di un sociedad mas saludabel y ecológicamente responsabel. Cu programan di conscientización y un infraestructura mas adecuada, nos por bisa cu nos pais a cuminsa move!

Nos por constata un aumento den e cantidad di ciudadano di tur edad cu ta practica deporte of ta haci ehercicio riba un base regular. Esaki ta un logro significativo den cuido di salud di nos comunidad. Cu tempo, esaki lo traduci su mes den reducción di enfermedad y lo contribui na un isla mas saludabel.” Cu orguyo Gobernador a laga logronan di e deportistanan di Aruba resalta den su discurso. “E éxito di nos hoben deportistanan den competencianan internacional, ta muestra di e entusiasmo di hobennan pa practica deporte y di e dedicación continuo di centenares di boluntario den educación y formación civico di nos hobennan pa medio di deporte.”